

2
CHRYSIOSCOPION,

seu

Aurilogium.

Potissima, & Nobilissima
auri arcana ἀνευ δόλης repandens, & quomo-
do vitæ hujus nostræ demensum, DEO volente,
per id physicè sanum, & incolumè propagari, ac pro-
longari queat, edocens, unà cum aliis scitu, ac
notatu dignissimis novem capitibus, quo-
rum Summam post præfatio-
nem invenies, ex-
positis;

Labore, & Studio

CASPARIS AMTHOR

Med. Licent.

Paracels. lib. Vexat. p. 932.

Qui rem acutius perpendit, veritatem
attingit.

J E N Æ,

Sumptibus JOHAN. REIFFENBERGERI.

LITERIS WEIDNERIANIS.

ANNO MDCXXXII.

V I R I S

*Magnifico, Nobilissimo, atq₃
Eminentissimo,*

Dn. LAURENTIO NICOLAI, Potentissimi,
Invictissimi, ac Christianissimi Regis Suecorum, Gothorum,
& Vandalorum &c. à secretis intimis, ex mandato S. S. Re-
giae Majestatis Dresdæ jam residenti &c. Mecænati & Pa-
trono S. Magno, ac venerando.

*Clarissimis item, Excellentissimis, atq₃
experientissimis Phil. & Med. Doctoribus
celeberrimis:*

Dn. JOHANNI RUPERTO SULTZBERGERO
Serenissimi ac potentissimi Principis Electoris Saxoniae
Medico felicissimo ac circumspectissimo.

Dn. JOACHIMO COLLOBIO DOMINORUM à
Reussen Ordinario meritissimo.

Dn. JOHANNI MICHAELIS SUSATENSI Prae-
dicto Lipsiae eximio, Facultatisque ibidem Assessori
dignissimo.

U T E T

*Amplissimis, prudentissimis, longo rerum
usu, doctrinâ & arte Spectatissimis:*

Dn. CASPARO CHRISTIANI Illustrissimi Prin-
cipis Electoris Saxoniae Dresdæ Secretario fi-
dissimo.

Dn. MARTINO SCHERCKELIO.

Dn. PANCRATIO WOLFIO Pharmacopoeis arti-
ficiosissimis & celeberrimis, inter quos Ille quidem Li-
psiae ad Salomonem; Hic verò Naumburgi
degit.

NEC NON

*Solidâ virtute, doctrinâ, verâ pietate,
singulari prudentiâ & Auctoritate gra-
vissimis:*

Dn. PETRO FREISLEBIO Quæstori apud Ei-
senbergenses dexterrimo.

Dn. SEBASTIANO SCHLAGIO Consuli ibidem
Primario.

Dn. CHRISTOPHORO FORTZIO Not. Publ.
Nobilissimorum à Pölniz à Judiciis, & officiis
Spectatissimo.

Dn. FRIDERICO ZEIDLERO Not. Publ. &
Astygrammatæ Eisenbergæ fidissimo, di-
gnissimo.

Dn. VIRGILIO JACOBI } Viris-Juvenibus Eisenbergæ
Dn. GEORGIO BEYERO } dilectissimis & maximè
conspicuis.

*Dominis Patronis, Promotoribus,
Fautoribus, & Amicis suis observan-
dis ac colendis*

Aurilogium hoc in sui
commendationem

*submissè offert
dicat
consecrat*

AUTHOR.

*Praefatio ad lectorem aequissimum, ac
benignissimum.*

Naturæ consideratio-
nem, ac contemplationem pabu-
lum quasi quoddam esse animorum, ingeniorumq;
Aquila illa eloquentiæ Cicero verissimè pronuncia-
vit libr. 1. Tuscul. quæst. cujus Philosophiam tanti
fecit Megalander Lutherus, ut non dubitarit publi-
cè in trapezologia sua fol. 544. omnibus Aristotelis
operibus anteferre: Et revera ita sese res habet cum
naturæ contemplatione, quæ vegetis, neque otio
rubiginosis ingeniiis tantam affert cognoscendi vo-
luptatem, ut nonnunquam non tam animum ex-
hilarer, quàm debilitet, non tam producat juvenitu-
tem, prout Cardanus voluit, quàm decurtet, si non
fiat cum modo, & intra modum. Nam si paulò acrius
animum intendimus, & crebriuscula ponitur opera,
exhauriuntur spiritus tenuiores, quibus absumtis,
quod reliquum est, quasi cinis fit. Id quod de ipsomet
se conqueritur Scaliger Exerc. 319. Qui metuens, ne
vitæ quantum superesset, cum serò ipsi ad hanc stu-
diorum felicitatem pervenisset adit9. (meliorem enim
vitam inter arma & temerè, & frustra, & miserè pro-
degerat, prout in præfatione super Exercitationes
suas ipsemet fatetur,) operas aliquando triplicavit,
adeò,

adeo, ut ex pertinacioribus vigiliis surrepserit ei in-
victus morbus, qui pristini corporis vix dodrantem,
illi reliquerat. Quod proculdubio cum aliis summis,
& acutissimis viris etiam ob abitum, & obitum præ-
maturum expertus est contemplator, scrutatorq; ille
naturæ absolutissimus Paracelsus, cui certè metalla
juxta corticem tantum aspicere, & solum aureis in-
digito annulis, & in marsupio nummulis spiritus suos
vitales splendore reficere non placuit; sed Magistrum
probationis ignem adhibuit, carbones non reformi-
davit, fornacem accessit, follem admovit, & quid na-
tura intus, & in cute foveat, felicissimè cognovit, ac
perspexit. Utut verò videatur absolutissimè de om-
nibus præ omnibus egisse; Tamen ob summam &
nunquam satis demirandam rerum verissimarum,
per varias terrarum plagas collectarum, ut & à se-
metipso inventarum copiam, multa ob amplitudi-
nem materiæ plus justo concisa, plura ob proprium
Idioma obscura, plurima ob præmaturam necem
corrupta damno deflendo nobis in Tomis suis reli-
quit, in quibus ampliandis, illustrandis, & restitu-
endis multi adhuc desudant, licet labor hic non sine
magno dedecore, & ipsius naturæ, totque mortali-
um injuria apud multos vilescat.

Quamvis autem optimè sciam multarum rerum
scientia, usu, & exercitatione cum instructum esse,
oportere, qui aliquid hujus generis in lucem editurus
est, hoc maximè seculo, in quo exercitissimorum
tot centuriæ felicissimè florent; Ego verò fortè anser
habeat inter hosce olores, prout est in proverbio;

Tamen cum neque anseres frustra à Deo & natura,
sint conditi, libet cum illis coram nasutulis strepere,
& oloribus ad suaviorem cantum irritamentum
præbere. Quare spe olitorum, qui interdum etiam
opportuna loquuntur, auro tanquam regi metallo-
rum primum locum tribuere, helioscopium, seu
aurilogium adornare, reliquorumque sex metallo-
rum subsecuturo examini *συμ θεῶν* tanquam anteam-
bulonem præmittere volui. Non deerunt, suboleo,
qui pro suo in quarto modo proprio tacitè cæptum
hoc meum exagitabunt, satius putantes, si de Marte
seu ferro ferreo hoc, & bellicoso tempore, quo grave
murmur classicorum ubique sonat, aliquid divul-
gassent, quippe cum multi, quibus à militibus aurum
intus harpagatum, ita sint Arabicis, & Ungaricis ex-
enterati, & eviscerati, ut fermè, quid aurum sit am-
plius nesciant. Verum cum pecunia soleat esse
ambulatoria, facileque fieri possit, ut

ad Dominum redeat, quod fuit ante suum.

Iccirco expectantes opimam spem bono animo
hanc meam lucubratiunculam pellegere possunt.
Præterea non tam foeneratoribus, quàm naturæ
& veræ Medicinæ Candidatis hunc nostrum labo-
rem sacrificavimus. Hisce

*Lector amice {fave} scriptum hoc contemnere noli,
{Vale}*

Sed meliora tenens Candidus affer amo.

*Aureus est nunc MARS, sunt ferrea secula MUSIS,
Planè habeas auri ne, nihil, ista lege.*



INDEX CAPITUM.

I.

*De nomine & derivatione Vocabuli
Auri.*

II.

De definitione Auri.

III.

*De divisione, differentia, & non-
nullis aliis Auri Qualitatibus generalio-
ribus.*

IV.

De partibus Auri Essentialibus.

V.

*De Auro fulminante, & ejus Enchi-
rifi, ubi insimul Martis tonantis fit men-
tio.*

VI.

*De convenientia & affinitate singula-
ri Auri & Solis.*

VII.

VII.

De Sympathia Auri cum humana natura.

IIIX.

De vario Auri usu Medico in Receptis Galenicis.

IIIX.

De Auri usu Chymico-Medico.

CAPUT

CAPUT PRIMUM.

De nomine & derivatione

Vocabuli.

Quandoquidem rectè, monente Scaligero Exercit. 1. Vocis ipsius usum prius cognoscere oportet, à quo sæpenumero provehimur in rei perceptionem; Immo secundum Platonem ὄνομα καὶ λόγος primi gradus sint comparandæ scientiæ; Idcirco meritò exordii, & primi loci honore auri vocabulū dignamur. Ducitur autem Latinum vocabulum aurum ab aura, vel à splendore, quo etiam ita afficit homines, ut nemo in mundo absque hoc splendore splendeat, Unde Poeta verè, ac scitè;

*Aurea nunc verè sunt secula, plurimus auro
Venit honos.*

Vel prout alii, & quidem rectiùs, volunt à Græco vocabulo αὐρὸς, quod divitem, & potentem notat. Aurum enim Regina est omni tempore, donat formam & genus. Unde τὸ ἀργύριον καὶ τὸ χρυσιὸν χρησίμους θεῶς h. e. argentum & aurum utiles Deos vocavit Menander, & Antiphanes ait; πάντα λήρῃ πρὸς τὸ χρυσιὸν omnia nugæ respectu auri, quippe quod ὅτιν αἷμα, καὶ ψυχὴ βροταῖς, sanguis, & anima est hominibus. Idem alibi. Græcè vocatur χρυσοῦς, unde quidam Naumachius:

χρυσὸς τι κόνις ἔστι, καὶ ἄργυρος h. e.
aurum certè pulvis est & argentum.

Doctissimus Heinſius aurum lingua nuncupaturus appellat portiunculam splendentis luti.

Plato è sua Republica aurum & argentum exulare voluit; Scitè enim dixit: Ἀγαθὸν ὄντα διαφερόντως καὶ πλεονέκον εἶναι διαφερόντως ἀδύνατον, Excellenter bonum, & excellenter divitem esse simul impossibile. Quæ certè Reipubl. facies, si unquam floruit, hodie ubique apud subditos floret,

ita, ut, si indigentia bonos efficere debeat, jam nemo fermè malus inveniatur. Omnes enim fermè nervo illo *μωρὰ* rerum gerendarum destituuntur.

Aurum vocant Germani *Gold* / fortasse à *Gelden* / à valore. Bellè enim & Politicè & Physicè valent, quibus

— *sunt auri pondera facti,*
Infestiq; Virgil. 6. Æn.

Nec facile emergunt, quorum virtutibus obstat

Res angusta domi.

Tantum de nomine.

CAPUT SECUNDUM

De illius definitione.

Definitionem quod spectat, notum hoc in Scholis, quòd alia sit perfecta, alia imperfecta; Illa propriè dicitur definitio; Hæc descriptio. Illa constat è solis causis Essentiam constituentibus, quales causæ genere, & formà comprehenduntur; Hæc minus. Et quia genus prior pars est definitionis perfectæ, differentia verò posterior, quippe quæ generi addita definitionem complet & absolvit, sive ducatur à forma, quæ rarior, vel à fine, vel à subjecto, vel alio argumentorum genere. Iccirco genus auri primò examinare, pòst differentiam considerare, & ultimò totalem definitionem constituere animus est. In hoc autem bellè conveniunt, & in una sede morantur Aristotelici, & Chymici, statuentes, in auri definitione metallum legitimum genus esse, prout & reapse est, & meritò pro Rege, perfectione, conatu & beatitudine metallorum reliquorum à Cardano viro incomparabili habetur, licet subtilius magis, quàm verè loquendi hunc modum aureum non vocet in haud nullis subtilis magis, quàm verus Scal. Exerc. 106. sect. 2. In differentia autem nimium quantum discrepant.

Secun-

Secundum Aristotelicos enim esset aurum metallum ,
constans exhalatione sicca & humidâ (juxta Scaligerum
Exerc. 20. & 88. aquea terreâ) frigore congelatâ , quod pro-
pterea non nisi multo calore possit in pristinum restitui fluo-
rem. Sed ignoscant mihi antiqui hi Philosophorum pro-
ceres , quod cum illis facere nequeam. Etenim nimis re-
mota , & generalis hæc videtur auri materia ; propius , me-
liusque ad rem , Naturam , & veritatem accedunt Chymici,
propriissimas omnium metallorum causas esse sulphur me-
tallicum & argentum vivum contendentes , quod multis fir-
missimis argumentis demonstrare possemus, nisi jam dudum
à doctissimis & undiquaque expertissimis, ac celebratissimis
viris Fratre Basilio Valentino, Paracelso , Libavio , Martino
Rulando , Quercetano, Hartmanno & aliis adeò firmiter
demonstratum fuisset , ut qui plura de hac re afferre velit ,
non tam supervacanea proferat, quàm doctis odiosa ; Nec
opus multis verbis , ubi rerum adsunt Testimonia.

Nos aurum sic definimus : *Aurum est metallum ,
perfectum à sulphure metallico rubeo , seu citrino sale na-
tura intimè implicato , & argento vivo purissimis , subti-
lissimis , & exquisitissimè , quoad principia , ita commixtis
& excoctis , digestum , ut nec terrâ , nec aquâ , nec
aere corrumpatur , nec etiam igne comburatur , sed ma-
gis magisque in eo perpurgetur , ad examen usque cineritii ac
cæmenti.*

Et sic metallorum Regem & caput, Aurum definitum
dedimus , prolabimur ad Caput Tertium.

CAPUT TERTIUM

De divisione, differentia & nonnullis aliis auri qualitatibus generalio- ribus.

Plinius vir nunquam satis laudatus, prout Scalig. Exerc. 141. Sect. 7. ipsum vocat, tres modos auri adipiscendi usitatos describit; Primus est, quando aurum fluitat, & natat in fluminibus, cujusmodi sunt Lagus, Padus, Hebrus, Batolus, Ganges, &c. Secundus est puteorum serobibus effodiendi. Tertius modus est in montium ruina. Sed omnium optimum censetur, cujus ramenta natant in fluminibus, quia cursu ipsius fluminis perpolitur. Effoditur hoc metallum in montibus Arabicis, item in aliis fodinis; Reperitur & in Trutarum Capitibus, in quibus num naturaliter semen auri, ob aurifodinarum aquas, quas certum trutarum genus amat, & incolit *πρὸς ἐνυπάρχεν* (liceat mihi verbo illo græco trium signatissimarum præpositionum circumscriptionibus scitissimo cum Scaligero uti Exerc. 181. sect. 19.) dicendum sit, prout in aurei dentis pueri Silesiaco non nemo est, qui affirmat?

An verò ens auri aquis communicatum, prout in nonnullis acidulis fit, forte in caput irreptum hoc caussetur?

Judicium paulisper usque ad aliam occasionem suspendam.

Laudatissimum alioquin aurum hodie habetur in monte Terrato proximè civitatem Corbachianam, teste Scribonio. Scriptura sacra Aurum è regione Ophir, reliquis omnibus præfert, Job. 28. Vers. 16. Hinc aurum dicitur in Psalmis obryzum, quasi Ophiryzum, ex Ophir advectum. Rectius verò tunc scriberetur Ophryzum per ph, quàm per b. simplex. Alii, qui scribunt per simplex b & i, derivant à verbo obra.

obradiare, quasi quod aurum obradiet. Sed sufficit de hisce, quia in Etymologiis interdum ludere licet. Hebræi septem species seu genera auri habuerunt referente Lamberto Danao in Physica Christiana; Aurifabri nostri hodiè plus quàm viginti gradus auri, pro varietate mixtionis agnoscunt. Major autem auri copia semper in Orientalibus plagis, quæ calidiores, humidioresque, & ubi vis & calor solis major, (ut in India & Arabia, quo loci adhuc purissimum & nobilissimum invenitur) provenit, quàm in aliis locis, quæ magis ad septentrionem inclinant. Etsi enim nec ibi auri generatio deficiat; Tamen si aurum ibidem effoditur plus imperfectorum metallorum continet; Sed per aquas separatorias, cineritium, & alios modos facilè separatur, & tam perfectum evadit aurum, ac est Indicum & Arabicum, prout evidenter hoc testatur Hispanicum, Ungaricum, & Germanicum.

In genere notandum optimi auri indicia esse: 1. Splendorem & citrinum ruborem, id quod puræ, & exquisitæ coctionis, & tincturæ est argumentum. 2. Pondus, quod Mercurium compactum, & fixum denotat. 3. Ductilitatem, quæ talis, ut etiam aurum neri & textile fieri possit; Hinc tertia pars unius grani auri purissimi in filum 134. & integrum granum 402. pedum longitudine ab artificibus produci potest, quod humidi maximè defæcati puritatem denotat. 4. Ignei Examinis tolerantia, quæ ejus incorruptibilitatem convincit. *Omne enim corruptibile, teste Lull. cap. 51. Theor. non potest examen ignis sustinere.* Et Paracelsus alicubi: *Omnia metalla, & mineralia, quæ in igne flammam non evomunt neq; exhalant, & aduruntur, indicant æqualem commixtionem Mercurii & Sulphuris, maximamq; fixationem & perfectionem.*

De auro alioqui dicitur, quod contra diem circa diluculum frigescat, id quod experiri possunt ii, qui aureos gestant

gestant in digitis annulos, sic enim deprehendere queunt, quasi per horologium, quando diluculascat, aut diefcat.

Habet & aurum singularem cognationem cum argento vivo, & propter materiae communis affinitatem ei innatat, quod alii, sed falsò, ponderi ascribere maluerunt. Ita, ut vel hinc patefcat metallorum principium esse argentum vivum. Nihil enim aliud ab auro differt, quàm accidentibus, hoc est, puritate, & digestionem. Immo Mercurius est quasi clavis omnium metallorum. Hic tanquam Spiritus metallicus fumo pertransit metalla omnia, & illa calcinat, & ab illorum fumo rursus coagulatur: Sic à corpore Solis corporalitatem, & corpus Solis ab illo Spiritualitatem mutuatur. Fac ergò fixum volatile, & volatile fixum, & habebis totum magisterium. Clangat in auribus Clang. Bucc. p. 486. *Totum beneficium artis est in Sole & Mercurio. Etenim ipsa in unum conjuncta lapidem Philosophorum constituunt, & tincturam habent infinitam. Nam in corpore acquirit colorem sanguine rubicundiorum. Elegantissimè certè & ex fonte naturæ hoc manifestat, Dñs Paracelsus, Exemplo, dum ait: Si aurum & Mercurius per amalgama in conjunctione Solis & Mercurii probè uniuntur, præsertim, si Sol in illa ipsa conjunctione etiam Dominus cluet super Mercurium, tunc facile possunt ita figi, ut tinctura evadant ad Mercurium vivum, quæ postmodum amplius cum Mercurio vivo in tali conjunctione augmentari queunt, quod sanè maximum est naturæ arcanum. Et alibi: Si aurum super Mercurium vulgi detinetur, tunc per fumum omne argentum vivum sese in aurum insinuat, & album efficit, friabile & colliquabile, prout cera. Idem fit cum argento. Atq; hoc vocamus Magnesiam Philosophorum, quam multi quaesivere. Sic beneficio crebrioris sublimationis per Mercurium vivum, Mercurius Solis, Lunæ, Veneris, &c. Item arbor aurea & argentea per viam siccam, & humidam parari potest. Aureis literis Paracelsi verba Libr. de generatione rerum naturalium cordi tuo infige, dum sic ait: Prout homo*

in

in maternam alvum terram, ex qua primus homo productus, & in extremo die secundâ vice regenerari potest: Sic omnia metalla rursus in Mercurium introire, & per ipsum solvi, & Mercurius fieri, & per ignem secundâ vice regenerari & clarificari possunt, si in continuo calore quadragintis septimanis, ceu infans in utero matris fovetur. Atq; sic non solum communia metalla, sed & tingentia generantur. Nam si argentum dicto modo secundâ vice regeneratur, alia metalla tingit in argentum. Et sic etiam aurum regeneratum, alia metalla in aurum vertit. Idem iudicium esto de reliquis; Hactenus Paracelsus. Sed manum de tabula. Mercurius enim mihi aurem vellicat insusurrans; Μηδενὶ ὦ τέκνον ἐκφαίνων τῆς παλιγγενεσίας ὡς δόσιν, h. e. Nemini, O Fili, aperias regenerationis doctrinam.

CAPUT QUARTUM

De partibus Auri essentialibus.

AUldivimus supra capite secundo in definitione, constare aurum argento vivo, sulphure metallico, citrino Sale naturæ imprægnato. Quò respiciens Paracellus ait: Aurum Microcosmus est, tria habens principia, (Sal, Sulphur, & Mercurium intelligens) & quatuor elementa, & est coelestis substantiæ, cœlum, & radii solares sunt in eo, ideò ignem sustinet. Quatuor elementa, quomodo possim? adipisci fundamentaliter in Tomo suo primo agit mihi pag 792. quò lectorem remittimus. De argento vivo præcedente capite, fusiùs egimus, ubi de affinitate illius cum auro notatu dignissima anneximus.

Sal indivisibiliter conjunctus est cum Sulphure, estque naturæ Spiritualis, beneficio cujus Sulphur Mercurium in metallum coagulat, inque eo ita latitat, ut fermè unum sit cum Sulphure; Ideò pauca de tertia parte puto Sulphure in medium afferemus; Siquidem illud prout & Mercurius multis

multis antiquis fuit petra offensionis, ea de causa, quia commune Sulphur sibi imaginabantur, quod est *Φλογισόν*: sed adeamus ducem & Magistrum optimum Paracelsum, qui omnes dubietatis nebulas nobis discutit, nostrumque animum ad Veritatis tribunal sistit, dum lib. i. de generat. rerum, ait, *sulphur est anima metallorum, licet combustibile, & commune sulphur pro metallorum anima non sit habendum; Sed alia res est anima, non corpus quoddam combustibile, aut corruptibile; sed anima ipsa est ignis, igitur etiam ab igne non consumitur, & revera nihil aliud est, quam quinta essentia sulphuris, quæ sulphuri reverberato cum Spiritu vini extrahitur, & pellucidum instar Rubini apparet.* Quomodo verò mortificatio & fixatio sulphuris semota pinguedine adustibili & fætente fiat, pellucetibus ostendit verbis in libr. de morte rerum naturalium; Ubi recipere jubet Sulphuris communis citrini pulverisati subtilissimè, quantum vis, & ter abstrahere aquam fortem ab eo acerrimam, & sic in fundo remanere, ait sulphur attricoloris. Ab blue aquâ communi dulci destillando, donec aqua dulcis rursus ascendat, neque ullum sulphuris foetorem redoleat. Sulphur hoc in clauso reverberatorio in mortem Antimonii reverbera, & primò efficitur album, post citrinum & tandem rubeum instar cinnabaris, Latere! Hoc tingit quodvis argentum in aurum excellentissimum, & corpus humanum ad summam ducit sanitatem. Recipe sulphuris reverberati & fixi, & affunde Spiritum vini, cum quo essentia quinta sulphuris extrahatur, abstracto postea spiritu vini quinta essentia sulphuris instar Rubini apparet, & hoc ingens est arcanum ad transmutationem metallorum alborû, & mercurio vivo in fixissimû aurû coagulando. Habes Thesaurum Thesaurorum. Observa autem, ut cum aqua fortis à sulphure abstrahitur quatuor transversos digitos emineat, & refundendo aquam fortem postremò ad siccitatem usque hoc sulphur subnigri coloris abstrahatur. Quintæ hujus essentia in Spiritu vini extractæ in periculo-

sissimis

siſſimis morbis doſis eſt, gutt. iiij. vel ſex quotidie uſque ad ſolidam reſtitutionem. Sumta diebus 28. juventutem revo- cat. Contra peſtem dantur gutt. vj. vel vij. in aqua tormen- tillæ, in vino, vel oleo Juniperino, ſic tamen ut ſudor ſub- ſequatur.

CAPUT QUINTUM

De Auro fulminante, & ejus Enchi- riſi, ubi inſimul Martis tonantis fit mentio.

ET ſi non deerunt, qui actum me agere dicent, ideò, quia & Crollius, & Beguinus, alique auri fulminantis de- ſcriptionem divulgaverunt. Verum enim verò, cum unicui- bet ſuus maneat laborandi, & dilucidius rem tractandi mo- dus, ob inſignem ejus uſum, quem in foro Medico nobis ul- terius exaltatum exhibet, prout *αὐτῷ πῶς* vidi, & propriâ manu elaboravi candidè communicabo, ita ut ſi omnia ad unguem obſervaveris, errare vix poſſis, quod alioqui ſecun- dum citatorum autorum deſcriptiones ſæpius factitatum memini. Et Crollius quidem cum Beguino pro repercuf- ſione uſurpant Spiritum tartari; Quemadmodum & Sal tartari in aqua ſolvunt, & ſic auri calcem cadere efficiunt. Ego verò ad illius caſum adhibere ſolitus ſequentem a- quam:

Recip. Tartari

Salis petræ: ana, lib. 2.

ſiccentur, & pulveriſentur ſubtiliſſimè, miſceanturque & indantur in mortarium orichalcinum puriſſimum & cum ferro candente accendantur, & remanebit candida materia inſtar lapidis, ſuperfunde aquam puram, & optimè miſce, ut fiat inſtar lixivii, ſtet ſupra fornacem, donec aqua appareat

C

puris-

purissima, filtra, & reserva. Quo facto sume auri purissimi quantum vis, fac tenues laminas, quas candefactas in patella argentea probè extingue, ut ab impuritatibus liberentur, inde in phiolam, & superfunde aquam regis optimam non adulteratam, quæ laminas super lenem, ac levem calorem solvet, quo facto in capaciorem phiolam inde, & guttatim aquam supra descriptam infunde, & cum strepitu tumultuabit; Hoc tamdiu age, donec non ampliùs strepitum edat, & sic aurum fundum petet, quod clarum est separa: quod in fundo manet philtrea per manicam Hippocratis, & edulcora aqua simplici. Edulcorationem aliquoties itera, pòst leni calore super fornacem, vel quod meliùs (citò enim inflammatur, & evanescit cum tonitru) in calore Solis optimè siccet, & sic habebis calcem solis tonantem, quæ in summam poterit reduci sanitatis medicinam, si cum sulphure adhuc semel calcinetur, & cum philosophico aceto anima ipsi extrahatur, remanente albo corpore.

Calce crudâ sic utitur Angelus Sala: Recipit Calcis auri probè exiccati quantum vis, & supra marmor leniter dispergit, & Spiritu vini Hispanici cum melissa exiccata terrectificati, & à phlegmate separati irrorat: Deinde

Recip. pulveris huic Unc. unam.

croci orient: Scrup. unum.

ambr. gris.

mosch. Orient. ana gr: vj.

Miscet & in vitreo vase servare jubet. Datur à grat. iij. ad viij. in conveniente liquore, vel vino. Sudor benè tecto patienti placidè expectandus.

Ufus: facit ad Syncopen, melancholiam, suffocationem sive caducum matricis, Epilepsiam, vertiginem, hemicraniam, lethargum, paralyfin, Dysenteriam & menses.

DE MARTE notetur, quod eadem fulminandi facultate polleat, si aquâ forte, quæ nullum Salem Armoniacum recepit, solvatur, & oleo tartari repercutiatur. Sed dili-

diligenter animadvertendum, ne ex nimia ebullitione, quam aqua fortis, super Martem fusa, caussatur, spes tua fallatur, & Spiritus, qui fulminant efferoces, evanescant in auras. Vel poteris sic procedere;

Recipe limaturam Martis per ablutiones crebras re purgatam, austro liquore tartari per vesicam animalis sancti duodecim annorum destillato; Resicca, tere, iterumque irriga, seu imbibe; Repete hunc laborem, donec pulverem reddat. Hunc abstractum aceto stillatitio pota, arefactumque iterum se pone; Mox cape aquam fortem, atque injice pulverem præparatum, & in bullas attolletur, fervereque, cum totum sic solutum erit. Destillando abstrahere aquam, & calcem in laminas ferreas, vel patinas distribue & reverbero horis viginti quatuor. Hic crocus calx elaboratior est, & igniculo concepto tonare solet, si rectè egisti.

CAPUT SEXTUM

De convenientia & affinitate singulari Auri & Solis.

INter principes duos Planetas, uti Keckermannus Philosophus magni nominis & existimationis, Solem & Lunam vocitat, Sol meritò primum locum obtinet, quippe qui aureo suo lumine fons, & autor omnium rerum, atque adeò toti mundo vivificam vim, virorem, & vigorem impertit. Dicitur Latinis Sol, quia solus de die cæteris stellis occultatis lucet. Græci appellant ἡλεον ἀπὸ τῆς αἰεὶ ἐλεῖν à perpetua revolutione, qua beneficio lucis & caloris insiti, per radios Spiritum, & animam universi, inexhaustasque naturæ vires, quæ in eo, tanquam receptaculo, & perenni fonte reconditæ sunt, in hæc inferiora demittit & infigit. Hinc Plato Solem, celestem & invincibilem ignem: Heraclitus fontem luminis celestis.

*Orpheus lucem vitæ, mundi celiq; oculum vivificum: Paracelsus
Spiraculum vitæ elementorum: Jamlichus datorem, vel imme-
diatè à seipso, vel mediatè ab ipso, per lunam & alia omnis boni
vocat.*

Id quod longâ serie, si immensum creaturarum circu-
lum transcurrere vellemus, demonstrare possemus, si esset
hujus loci & nostri propositi. Manebimus intra terminos,
& verba instruamus secundum subjectam materiam. Ab
hac enim una Sympathetica Solis cum auro harmonia di-
scere poteris & reliquas.

Elucescit autem Sympathia illa Solis & Auri statim ex
supra sparsim adductis, quod ubi major calor, & vis Solis,
prout in Oriente, ibi & major auri copia; Et quod ii, qui
per Solis, & Mercurii amalgama laudabili fine potiri sata-
gunt, conjunctione Solis & Mercurii id agant & suscipiant
ex Paracelsi doctrina necesse habeant.

Sol enim est, qui filium, imaginem, & Idolum sui in
terra, aurum scil. animat, auget, & sidereis qualitatibus, &
essentiis implet.

Aurum si in terra, ubi dominatur Sol, Orientem scili-
cet spectante, sepeliatur, & semper recente urinâ hominis &
stercore columbino fœcundetur, augmentatur.

Aurifabri norunt, quod si aurum purissimum Cœlo
austriaco, quo radiantia Solis lumina nubibus intercipi-
untur, fundunt, quod durum, inductile, & friabile eva-
dat. Secus verò fit, si sudò tempore, quo cœli mundique
oculus

(Omnia qui videt, & per quem videt omnia Mundus,
Ovid. lib. 4. Metamorph.) Filium suum serena fronte aspi-
cere potis est, labor urgetur. Eò intendens digitum verè
dixit Paracelsus alicubi; Septem Planetæ efficacissimè ope-
rationes suas exerunt in septenis suis metallicis corporibus,
verbi gratia; Sol agit in aurum, Luna in argentum, Venus
in cuprum, Jupiter in stannum; Mercurius in argentum
vivum,

vivum, Mars in ferrum, & Saturnus in plumbum. Hinc sapientes veteres Solem & Aurum uno hoc charactere Hieroglyphico ☉ circulo scilicet & centro præfigurare voluerunt, ut significarent in utroque tam superiorum, quam inferiorum vires contineri, & insignem esse invicem *Φιλαδελφίαν*.

Prout enim Sol cœlestis, mundi illa mens, & cœli cor erga reliquos Planetas; Sic aurum erga reliqua metalla sese habet. Igitur propter hanc singularem correspondentiam, & efficacissimam influentiam Solis, & auri Naturales Magi fundamentum extruxere annuli Solis, Lunâ in ariete existente Rex coronâ caput redimitus, sedens in quadriga triumphali, in dextra speculum, in sinistra ligatam virgam tenens foditur. Hunc qui gestat, Magnatum favorem sibi conciliare, & in auri operationibus successum habere felicissimum perhibent. Et sic ex omnibus metallis secundum diversitatem intentionis annuli conflare possunt.

Sunt, qui ad unum conso, & superciliosi hæc deridere volunt; Sed magnificiunt haud nulli veris, & licitis Magicis principiis convicti. Non enim statim hoc negandum, ut multi faciunt, quod *Φήμη Φημίζεις*: Sed videndum quid rei subesse possit, Scaliger Exerc. 273 sect. 1. Metallorum hæc influentias, & harmonicum consensum, si semper considerarent ii acutissimè, qui verum metallicum semen ad multiplicationem, & regenerationem metallorum quærunt, (neque enim tam invida fuit natura minerali regno, ut illi omne semen ademisset, & solum animali & vegetabili concessisset,) qui que transmutationes illorum nocteque dieque meditantur; Certè operationes eorum non ita ex sola fortuna penderent, sed fundamentis veris naturæ nixæ sæpiùs pro infamia gloriam reportarent. *Quæ observatio certè in omnes cadit Chymicos, tam qui medicinalia ex tribus regnis, petita, quàm qui meliorationibus, gradationibus & multiplicationibus metallorum inbiant; Sic enim futurum esset, ut secundum superiora, & inferiora, quia indissolubili lege invicem coherent,*

materialiter & astraliter medicamenta morbis opponerentur, & observatis sydereis agrotorum complexionibus unicuique conveniens fundamentaliterque morbum vincens & eradicans medicamentum inveniretur, id quod quilibet sacratissime naturæ mystæ, tanquam proprii sudoris ac laboris salarium propter mundi ingrati- tudinem meritò sibi reservat, nec otiosâ rubigine sufflatis sciolis contemni, ac derisui exponit. Symbolisatio alioquin Solis & Auri quatuor modis absolvitur:

I. Incorruptibilitate, & incombustibilitate: Nam rectè Augurellus

— uni nîl deperit auro.

Ignem velut Solem consumit nulla vetustas,

Ac neque rubigo, aut ærugo conficit ulla.

Cuncta adeò firmis illic compagibus hærent.

II. Splendore & colore.

III. Relatione, sicut enim se Sol habet ad Planetas reliquos, quippe qui lucem & influentias à Sole ducunt: Sic quoque aurum ad cætera metalla sese refert, quæ Spiritua- liter auri essentiam latitantem possident. Manifesta ergò, quod occultum, & philosophicè erue, atque intus & foris undique tibi Sol lucebit.

IV. Effectibus: Solis officium est subtiliare crassum, & attenuare Spiritus, & corpora incrassata, & quod mundi- ficet suâ præsentia spurcitiem & sorditiem hyemis, exhilaret cælum triste & nubilosum & renovet res quasi mortuas, to- tumque mundum suo adventu & accessione novis & jucun- dissimis ornet vestimentis.

Aurum non quidem foliatum, aut limatum, sed in- Essentiam seu spiritualement & astralem naturam redactum, quo de infra Capite Nono, Elixir summum est, ac poten- tissimum morbis coagulatis & solutis succurrit, corpus præ- servat, ac mundificat à lepra, Scabie, Alopecia & Tyria. Cor hominis triste exhilarat, & confortat, timidos facit audaces, melancholiam myrachialem, Scorbutum & alias hypo-

hypochondriacas affectiones astraliter removet, corpusque humanum sincerum reddit ac innovat. Subvenit stomacho, calorem naturalem temperat, & conservat summa: Corpus hominis ad summam sanitatem reducit, & omnes morbos curat ac tollit; Idque præstat non ratione caloris, vel frigoris, vel humiditatis, vel siccitatis, neque enim calefacit, neque infrigidat, neque humectat, neque desiccatur; Sed quia temperatum temperamentum propter elementorum in eo adæquationem possidet, quo omnem rem excedit in temperantia, & perennitate, & propter singularem complexionem, qua cū humana natura & corde hominis ritè cōvenit: Vide Paracels. lib. 12. de trans. rer. natural. item lib. 2. & 3. cap. 2. & 3. de vita longa. Quercet. in tetrad. cap. 32. Arnoldum de villa nova lib. de conserv. juvent. cap. 2. *Vita enim hominis est Balsamus astralis, ignis cælestis, invisibilis, & Spiritus Salis tingens. Aurum etiam in se Balsamum astralem, ignem cælestem, invisibilem, & Spiritum Salis tingentem continet, sed omnia hæc adæquatissimè & temperatissimè. Vides Symbolisationem.*

CAPUT SEPTIMUM

De Sympathia Aurium humana natura.

Terra constare hominem non tantum ex creatione Adam primi nostri parentis novimus, sed & à posteriori in nobis omnibus experimur. Terra sumus, & in terram revertimur. Non enim ex DEO tantum originem Adamus habuit suam, licet *μορφοῦν καὶ διὰ τὸ πᾶσιν αὐτῷ* divinæ auræ particulam, hoc est, DEI imaginem acceperit; Sed chaos corpus sibi vendicat, ex quo omnia virtute verbi divini producta fuere. Quemadmodum verò una creatura præstantior alterâ, non quidem ratione substantiæ per se considerata;

deratæ; Sed qualitatis, & certi respectus; Sic dubium est
nullum, quin DEUS ter optimus, maximus, creaturæ no-
biliori nobilius corpus, quod terra suppeditavit, elegerit.
DEUS enim est DEUS ordinis & omnia ordine, tempore,
mensurâ & pondere certo, teste Ecclesiastico, creavit. Homo
autem jam omnium suffragio, nobilissima, quia & perfe-
ctissima, creatura; Ergo & nobilissimam terræ glebam in
articulo creationis pro corpore tulit, & quidem talem ter-
ram, quæ temperatissima, nec ullis unquam obnoxia fuisset
mutationibus, nisi Evæ porrectum & præmorsum po-
mum improvidus Adam admordisset & glutivisset. Quare
cum Aurum verò talem elementorum compagem & pro-
portionem habeat, inque se cum terrestria, tum cœlestia
contineat, quod etiam *de χρυσόμω* hominæ dici potest;
Ex argilla aurea Adamum (qui à Rubra terra, quam ratio-
ne derivationis Adami vocabulum significat, non sine omi-
ne nomen accepit suum) prodisse, neque contra rationem,
neque contra pietatem est credere. Et licet non eadem
prorsus cum auro fuerit materia, quod tamen absonum non
est; Tamen ad minimum similem argillam fortè fuisse ter-
ræ Lemniæ, vel Silesiacæ, quam Clarissimus Montanus
axungiam Solis in tractatu de terra Silesiacâ certis funda-
mentis indigitare non veretur, pia ac devotâ conjecturâ
conjecturari licet. Unde ergò Sympathia illa auri cum ho-
mine, quam Aristotelici cœcâ experienciâ quidem affirmant,
sed rationibus non demonstrant, ortum habeat, primis di-
gitulis quilibet cordatior computare potest.

*Ut ut verò ratione materia singularis detur convenientia;
Tamen propter lapsum; prout in hominis natura, sic & in nobi-
lissima auri creatura maxima orta fuit ob maledictionem muta-
tio; Portas auri DEUS occlusit, gazas illius occultavit, & in su-
dorem vultus nostri panem & sanitatem posuit. Ergo secundum
tria Cabalistarum principia;*

Quare, Pulsa, Ora.